


Bengkel Seni Khat Guru Pendidikan Islam



Labuan, 12 Februari 2026 – Seramai 31 juru latih Seni Khat daripada sekolah rendah dan menengah Wilayah Persekutuan Labuan telah menghadiri Bengkel Seni Khat Guru Pendidikan Islam yang diadakan di Bilik Mesyuarat SK Pekan Dua petang tadi.

Bengkel ini telah dibimbing oleh Ustaz Azmer Osman dari SK Patau-Patau yang berkongsi teknik serta kaedah pengajaran seni khat secara lebih sistematik dan berkesan.

Penganjuran bengkel ini bertujuan memperkukuh kemahiran guru dalam membimbing murid sekali gus mempersiapkan mereka menghadapi pertandingan seni khat yang bakal berlangsung peringkat negeri pada 10 April 2026 manakala peringkat kebangsaan pula dijadualkan berlangsung pada 26 hingga 29 Jun 2026.

Melalui bengkel ini, impak yang diharapkan ialah peningkatan kecekapan guru dalam mengajar seni khat seterusnya melahirkan murid yang lebih kreatif dan berdaya saing.

Harapan besar juga disandarkan agar seni khat terus berkembang sebagai warisan budaya yang dipelihara dihayati dan dicintai oleh generasi muda.

Dengan usaha berterusan ini, seni khat bukan sahaja menjadi medium pendidikan tetapi juga simbol identiti dan keindahan tulisan Jawi yang perlu dipertahankan sepanjang zaman.

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaatSetia](#)

[#tahuninitahunkita](#)





